



MÁNUDAGUR 19. JÚNÍ 2017

19. júní



Kvennaheimilið Hallveigarstaðir er 50 ára í dag og upp á það verður haldið í húsinu.

Kvenréttindi →4

Mamma stærsta fyrirmyndin

Það gekk ekki þrautalaust fyrir sig að koma borgarstjóra Reykvíkinga í heiminn á kvenréttindadaginn 1972. Hann er 45 ára í dag.



LEIÐSÖGUNÁM

VIÐURKENNT STARFSNÁM AF ATVINNULÍFINU

Hnitmiðað og skemmtilegt nám fyrir þá sem vilja kynnast Íslandi í máli og myndum. Námið er opið öllum þeim sem áhuga hafa á að læra hvernig standa skal að leiðsögn erlendra og innlendra ferðamanna um Ísland.

- Flest stéttarfélög styrkja nemendur til náms.
- Nemendur geta að námi loknu gerst félagsmenn í Leiðsögufélaginu

Helstu námsgreinar:

- Helstu viðkomustaðir ferðamanna á Íslandi í máli og myndum.
- Mannleg samkipti, leiðsögutækni, hestar, fuglar og flóra. Framsaga.
- Saga landsins, jarðfræði, bókmenntir og listir, menningartengd ferðaþjónusta.
- Skipulagðar ferðir og afþreyingaferðir. Ritgerðaverkefni og margt fleira.

Leiðbeinendur eru þaulvanir leiðsögumenn og sérfræðingar hver á sínu sviði. Boðið er uppá dag – og kvöldnám, auk þess er farið í fjölda vettvangsferða.

Umsögn:

S.Í. vetur stundaði ég leiðsögunám í Ferðamálastólaskóla Íslands. Námið stóð vel undir væntingum þar sem fjölmargir kennarar komu að kennslunni og áttu þeir auðvelt með að ná til mín og auka áhuga minn á námsefninu og ekki síst að vekja mig til umhugsunar um þá auðlind sem landið okkar er og þá virðingu sem okkur ber að sýna því. Kennararnir voru mjög færir og fróðir hver á sínu sviði og áttu auðvelt með að koma efninu til skila. Námið gefur mikla atvinnuöguleika og spennandi tímar eru framundan.



Guðrún Helga Bjarnadóttir, Vestmannaeyjum

Opið 8-22

Ferðamálastólaskóli Íslands

Ferðamálastólaskóli Íslands • www.menntun.is • Sími 567 1466

Þórdís Lilja Gunnarsdóttir
thordisg@365.is



Ég á góðan kunningja sem veiktist alvarlega fyrir nokkrum árum. Þegar hann komst að því að ég ætlaði ekki að gera neitt í tilefni afmælisins eitt árið þá húðskammaði hann mig og sagði að maður ætti að fagna hverju einasta ári því maður veit aldrei hversu mörg ár manni eru gefin. Þetta glymur alltaf í eyrunum á mér við afmæli mín,“ segir Dagur sem fæddist í Ósló 19. júní árið 1972.

Það sumar voru foreldrar hans enn ógiftir og föður hans var meinað að vera viðstaddur fæðingu sonarins.

„Þarna var úr vöndu að ráða en mamma er mikil baráttukona og keppnismanneskja. Hún brá á það ráð að hysja upp um sig í miðri fæðingu og skunda á annan spítala. Það mátti ekki tæpara standa því ég kom í heiminn tíu mínútur í miðnætti á kvenréttindadaginn og

það fannst mömmu ekki leiðinlegt, né mér sem hef alltaf verið mjög stoltur af þessu.“

Ekki tók betra við þegar nýfæddur Dagur útskrifaðist af spítalanum í Ósló. „Þá var sagt útilokað að ég yrði skráður Eggertsson heldur yrði ég að vera skráður Jónsdóttir, eins og mamma. Það tók mamma ekki í mál og þar kemur sagan af B-inu því mamma náði því í gegn að ég yrði skráður Bergþóruson í höfuðið á henni. Síðar bættist Eggertsson við og hef ég stoltur borið nöfn beggja foreldra minna síðan, sem og systkini mín og frændfólk sem hefur tekið þetta upp.“

Vel skólaður í jafnrétti

Á Kvenréttindadaginn er þess minnst að konur á Íslandi fengu kosningarétt árið 1915.

„Ég hef alla tíð verið meðvitaður um þýðingu kvenréttindadagsins og verið rogginn með að eiga hann fyrir afmælisdag. Ég hef verið umvafinn sterkum og sjálfstæðum konum allt mitt líf. Föðuramma mín, Ragnheiður Hulda Þorkelsdóttir, var hjúkrunarstjóri á heila-

bilunardeild í Hátúni og mögnuð kona. Móðuramma mín, Jóna Bjarnadóttir, 96 ára, er enn á lifi og förum við saman á ættarmót um næstu helgi á fæðingarstað hennar í Bolungarvík. Hún er ein fyrsta grænmetisætan sem ég veit um í Reykjavík, stundaði jóga og fór á hjóli á milli hverfa til að sækja sér grænmeti.“

Móðir Dags er Bergþóra Jónsdóttir lífefnafræðingur og faðir hans Eggert Gunnarsson dýralæknir.

„Mamma er stærsta fyrirmynd mín meðal kvenna, með baráttukrafti sínum, seiglu og sterkri réttlætiskennnd, og það sama á ég að sækja til pabba sem er einstakur maður. Þau hafa í sínum hjúskap haft jafnrétti að leiðarljósi og þegar mikið var að gera hjá mömmu sá pabbi meira um heimilið og ófugt. Á tímabili var svo mikið annríki hjá mömmu að vinir systkina minna héldu að pabbi væri alltaf með svuntul!“ segir Dagur og skellir upp úr. „Þótt mínu starfi fylgi mikið

Framhald á síðu 2 →

Framhald af forsiðu →

annriki og margir dagar lendi meira á Örnunni, konunni minni, bý ég að þessu uppeldi og þar sem hallar á Örnunni þessi árin, á hún inni.“

Ingibjörg Sólrún fyrirmyndin

Kona sem er Degi hugleikin sem fyrirmynd í embætti er Ingibjörg Sólrún Gísladóttir, einn farsælasti borgarstjóri Reykvikinga.

„Ég fór í pólitík fyrir orð Ingibjargar Sólrúnar. Eitt af því sem hún og Reykjavíkurlistinn gerðu að lykilmáli í pólitík, og sem íhaldskarlar hlógu að árum saman, voru jafnréttismál, leikskólumál og barátta gegn ofbeldi. Það þurfti konur til að breyta þeim málum fyrir alvöru og það er arfur Kvennalistans sem við búum ennþá að. Borgarbúar studdu við þessar áherslur og mér finnst mikilvægt að halda þeim á lofti.“

Konur starfa að stórum hluta fyrir Reykjavíkurborg og segir Dagur jafnréttismál koma við sögu á degi hverjum í embætti borgarstjóra.

„Reykjavíkurborg hefur verið í fararbroddi í jafnréttis- og kvenfrelsmálum í meira en tuttugu ár. Jöfn staða kynjanna er því löngu orðin samofin starfsemi borgarinnar en það þarf þó alltaf að standa vaktina. Við greinum fjárhagsáætlanir með þeim gleraugum og gerum að skilyrði, þegar við styrkjum íþróttafélög eða aðra, að báðum kynjum sé jafnt sinnt og mannréttindi virt.“

Brúa þurfi bil á milli fæðingarorlofs og leikskóla.

„Ég held að fólk átti sig ekki almennt á hvað góðir leikskólar og dagforeldrar eru mikið jafnréttismál, því það varðar alla fjölskylduna, og það er okkar



Dagur með móður sinni Bergþóru Jónsdóttur. MYND/ÚR EINKASAFNI

sveitarfélaganna að tryggja örugga og góða dagvistun. Það sama á við um fæðingarorlofið sem þarf að lengja í tólf mánuði á næstu árum og þarna á milli þarf að brúa bilið.“

Kynbundinn launamunur, aukinn hlutur kvenna í toppstöðum atvinnulífsins og kynbundið ofbeldi er líka efst á baugi í huga borgarstjórans.

„Þótt fólk tengi kynbundið ofbeldi alla jafnan ekki við jafnrétt-

ismál er það svo engu að síður. Það að fleiri slík mál komi upp á yfirborðið nú held ég að skýrist ekki af auknu heimilisofbeldi heldur því átaki sem hleypt hefur verið af stokkunum og að fólk getur betur treyst því að lögregla og stjórnvöld standi með og verji fórnarlömbin.“

Býður sig aftur fram 2018

Dagur hefur gegnt embætti borgarstjóra frá 2014 en næstu borgar-

stjórnarkosningar fara fram í vor.

„Ég er ákveðinn í að bjóða mig aftur fram og legg óhræddur stórf mín í dóm kjósenda. Starfið er áhugavert og fjölbreytt og maður fær tækifæri til að hafa áhrif á mótun samfélagsins. Ég horfi til þess að við höldum áfram að búa til græna borg sem leggur áherslu á lífsgæði, mannlíf og fjölbreytt atvinnutækifæri.“

Aðspurður segir Dagur borgar-

„Umræðan getur verið neikvæð á netinu en veruleikinn tekur henni langt fram og framúrskarandi mótökur sem ég fæ um alla borg frá Reykvikingum hvetja mig áfram á hverjum degi.“

búa taka sér hlýjum örmum, hvar sem hann fer.

„Hluti af því sem gefur mér mikið í starfi borgarstjóra er að hitta borgarbúa, sjá spennandi hluti gerast og finna hvað fólk er stolt af því. Það er geysilegur metnaður og framþróun í atvinnulífi Reykvikinga, skólum, velferðarþjónustunni og hvert sem lítið er og forréttindi að fá innsýn í það og taka þátt í því. Umræðan getur verið neikvæð á netinu en veruleikinn tekur henni langt fram og framúrskarandi mótökur sem ég fæ um alla borg hjá Reykvikingum hvetja mig áfram á hverjum degi.“

Dagur segist ekki geyma lækna-slopp í skáp skrifstofu sinnar en hann fór í læknisfræði til að forða sér frá því að fara út í pólitík.

„Ég vildi láta gott af mér leiða og mennta mig til starfs sem gengur út á samskipti við fólk, byggir á trausti þekkingu, vísindum og greiningu á vandamálum. Stundum langar mig til baka, læknisfræðin er frábært fag, en ekki á meðan ég á kost á að sinna núverandi starfi. Ég dreg þó ekki dul á að það sé gott fyrir stjórnmalámennt að eiga eitthvað jafn spennandi og áhugavert og læknisfræði að hverfa að, því það er ekki gott að vera í pólitík af því maður hafi ekki að öðru að hverfa. En það á sannarlega ekki við mig.“

Ljúffengar sumarvörur

Sumarvörurnar frá Nóa Síriusi hafa slegið í gegn eins og undanfarin ár. Á morgun kemur fjórða sumarvaran í verslanir en það eru Pipartrítlar sem margir hafa beðið lengi eftir.

Landsmenn bíða margir spenntir eftir sumarvörum Nóa Síriusar en undanfarin sumur hefur fyrirtækið sett nýjar og spennandi vörur á markað sem flestar hafa slegið í gegn. Sumarið í ár er engin undantekning, segir Silja Mist Sigurkarlsdóttir, vörumerkjastjóri, en þrjár nýjar vörur eru nú þegar komnar í verslanir og sú fjórða verður kynnt til sögunnar á morgun, þriðjudag. „Við setjum alltaf nýtt Nóa Kropp á markað á hverju sumri og svo nokkrar aðrar vörur. Við erum í góðu sambandi við viðskiptavinum okkar gegnum samfélagsmiðlana sem halda okkur vel við efnið með skemmtilegum tillögum og fyrirspurnum.“

Mega Kropp með karamellubragði er sumar Kroppið í ár. „Í þetta skiptið langaði okkur að gera eitthvað allt öðruvísi. Ekki bara koma með nýtt bragð heldur líka stærri kúlur. Við gerðum könnun meðal viðskiptavina um hvernig þeim litist á stærri kúlur og tóku þeir vel í þá hugmynd. Þannig að við kýldum bara á þetta og erum hæstánægð með viðbrögðin sem eru miklu betri en við þörðum að vona.“

Slegið í gegn

Lakkrís bananaperlurnar komu líka á markað í upphafi sumars og hafa slegið í gegn að sögn Silju. „Við vildum koma til móts við



Silja Mist Sigurkarlsdóttir, vörumerkjastjóri hjá Nóa Síriusi.

þá fjölmörgu bananaunnendur sem eru þarna úti. Úr varð að við bættum lakkrís við bananablönduna og niðurstaðan varð miklu betri en við þörðum að vona. Viðtökurnar hafa satt að segja verið ótrúlega góðar og við erum mjög ánægð með þessa vöru. Við höfum ekki enn ákveðið með framhaldið en tókum stöðuna í lok sumars eins og með aðrar sumarvörur.“

Þótt Mega Kropp með karamellubragði og Lakkrís bananaperlurnar hafi fengið mjög góðar viðtök meðal landsmanna hefur Rjómasúkkulaðið með saltlakkrísflögum og sjávarsalti slegið í gegn og er vinsælasta sumarvaran í ár, segir Silja. „Okkur fannst spennandi tilhugsun að prófa saltlakkrísflögur út í súkkulaðið okkar og gera það um leið með íslenskum blæ. Þar notum við íslenskt sjávar-



Sumarvörurnar hafa slegið í gegn eins og undanfarin ár og á morgun koma Pipartrítlar í verslanir.

salt og blandan kemur ótrúlega vel út. Ólíkt hinum sumarvörunum okkar kemur þetta súkkulaði ekki í takmörkuðu magni og verður því áfram í sölu næsta vetur.“

Að lokum nefnir hún Pipar-

trítlana sem koma í verslanir á morgun þriðjudag. „Ásamt bláum Ópal eru Pipartrítlar sú vara sem er mest spurt um hjá okkur. Þessi vara hefur ekki verið seld hér á landi í um áratug þannig að eftir-

væntingin er mikil, bæði meðal neytenda og okkar. Við grófum upp gamla uppskrift og tókst að framleiða þessa gömlu góðu og hlökkum mikið til að sjá hvernig viðtökur verða.“

KONUR Í VERKFRÆÐI

W

Hörn Hrafnsdóttir
Vatnsauðlindaverkfræðingur og aðjúnkt við HÍ



Ofanleiti 2 | Sími: 422 8000 | www.verkis.is

Hallveigarstaðir 50 ára í dag

Kvennaheimilið Hallveigarstaðir á sér áralanga sögu en húsið var opnað 19. júní 1967 og því er haldið upp á fimmtíu ára afmælið í dag með veislu.

Elin
Albertsdóttir
elin@365.is



Það tók hartnær hálfa öld að safna fyrir byggingu hússins sem stendur við Túngötu 14. „Hugmyndin að húsinu kviknaði fjórum árum eftir að konur fengu kosningarétt. Þá hélt Laufey Vilhjámsdóttir, dóttir Brietar Bjarnhéðinsdóttur, erindi þar sem hún hvatti til þess að konur myndu byggja hús undir félög kvenna til framtíðar. Félög þar sem konur tækju virkan þátt í samfélaginu. Þá fór í gang fjáröflun og hlutabréfasala í væntanlegu kvennaheimili. Það er þó ekki fyrr en 1967 sem húsið er tekið í notkun. Það fékk nafnið Hallveigarstaðir í höfuðið á Hallveigu Fróðadóttur sem var fyrsta landnámskonan í Reykjavík en eiginmaður hennar var Ingólfur Arnarson,“ segir Brynhildur Heiðar- og Ómarsdóttir, framkvæmdastýra Kvenréttindafélags Íslands.

„Húsið heitir formlega Kvennaheimilið Hallveigarstaðir. Hugmyndin var að konur sem kæmu utan af landi hefðu athvarf í húsinu. Þarna átti líka að vera skóli fyrir konur, bókasafn, lestrarsalur og



Brynhildur fyrir utan afmælis-
húsið Hall-
veigarstaði við
Túngötu. MYND/
ANTON BRINK

kennsluástaða. Þegar húsið var loks tilbúið voru breyttir tímar. Húsið er mjög stórt og var þungur baggi fyrir félagið. Þess vegna hefur meginþorri hússins verið í útleigu frá upphafi. Þrjú sendiráð leigja til dæmis hús-

næði á Hallveigarstöðum, það eru sendiráð Kanada, sendiskrifstofa Færeyyja og sendiþjónusta Ástralíu,“ segir Brynhildur og bætir við að það styrki stöðuna fyrir hin ýmsu kvennasamtök sem eru í húsinu.

Það var Sigvaldi Thordarson sem teiknaði húsið í upphafi en hann lést áður en húsið var reist en Skarphéðinn Jóhannsson arkitekt lauk við starfið. Bandalag kvenna í Reykjavík, Kvenfélagasamband Íslands

» Vegleg afmælisveisla verður í dag kl. 16 þar sem forseti Íslands, Guðni Th. Jóhannesson, flytur kveðju.

og Kvenréttindafélag Íslands eiga og reka húsið í dag. Félögin sjá til þess að Hallveigarstaðir séu aðsetur kvennasamtaka og að rekstur hússins styrki þá menningar- og mannúðarstefnu sem kvennasamtök gangist fyrir. Að sögn Brynhildar hefur ekki verið rætt að selja húsið og flytja annað. „Okkur þykir afskaplega vænt um þetta hús.“

Á Hallveigarstöðum er stór samkomusalur sem er leigður út til almennings. Þar eru oft viðburðir á vegum kvennasamtaka. Vegleg afmælisveisla verður í dag kl. 16 þar sem forseti Íslands, Guðni Th. Jóhannesson, flytur kveðju. Þá munu Hallveigarstaðir afhenda gjöf til Veraldar, húss Vigdísar Finnboga-dóttur. Boðið verður upp á veitingar. „Við vildum endilega gefa Veröld smá gjöf til að styrkja starfseminu.“ Nánar má lesa um sögu hússins á www.hallveigarstadir.is.

Sirius

Rjómasúkkulaði

MEÐ SALTAKKRÍSFLÖGUM OG SJÁVARSAITI

Átt þú eftir að smakka nýja Sirius rjómasúkkulaðið með saltlakkrísflögum og sjávarsalti? Þá átt þú einstaklega gott í vændum. Sirius rjómasúkkulaði. Svo gott.




NÓI SÍRÍUS

Framsækið og lifandi fyrirtæki

Þátttaka kvenna í stjórnunarstörfum hefur verið töluvert í umræðunni síðustu ár. Enn í dag heyrast sögur af því að konum sé meinaður aðgangur að stjórnunarstörfum eða að þær séu ekki metnar að verðleikum. Það á sannarlega ekki við um konur sem starfa hjá A4.

Við leggjum ávallt áherslu á að velja hæfasta fólkið í öll störf. Við höfum að leiðarljósi að árangur fyrirtækisins byggist á fjölbreytileika í stjórnun enda mikilvægt að gildi og viðhorf beggja kynja komi fram í stjórnun fyrirtækja,“ segir Bylgja Bára Bragadóttir, sölustjóri fyrirtækjapjónustu A4. Hún bendir á að í framkvæmdastjórn A4 séu tvær konur og þrjár karlar. „Heldur fleiri konur eru verslunarstjórnarar í A4 en þeim fjölgar enn frekar í haust þegar við opnum nýja og glæsilega Panduro Hobby verslun í Smáralindinni. Þá verða sjö af átta verslunarstjórnunum verslana A4 konur.“ Á bak við þennan stjórnendahóp stendur síðan öflugur og fjölbreyttur hópur starfsmanna á öllum aldri með mikla reynslu en hjá fyrirtækinu starfa um hundrad starfsmenn.

Góður andi er í starfsmannahópnum, en sem dæmi mun A4 taka þátt í WOW Cyclothon í fyrsta sinn 20. til 23. júní næstkomandi. A4 verður með tíu manna lið og er skiptingin í liðinu sex konur og fjórir karlar.

Allt fyrir skrifstofu, skóla og heimili

A4 er framsækið og lifandi fyrirtæki. „Við leggjum metnað okkar í að vera leiðandi á sviði skrifstofu-, skóla-, gjafa-, föndur- og hannyrðavara. Við hlustum á viðskiptavininn, greinum þarfir hans og finnum þær lausnir sem henta best,“ segir Bylgja Bára.

Heimspækt vörumerki á góðu verði

Hjá A4 er boðið upp á heimspækt vörumerki sem eiga það sammerkt að vera öll í háum gæðaflokki. „Í skrifstofuvörum má nefna Acco, 3M, Faber-Castell, Novus, Durable og Stabilo en við leggjum metnað í að bjóða gæðavörur í miklu úrvali á góðu verði,“ segir Bylgja Bára og skorar á fólk að gera verðsamburð.

Fyrirtækjapjónusta A4

Hjá fyrirtækjapjónustu A4 starfa reynslumiklir söluráðgjafar sem kappkosta að veita faglega og persónulega ráðgjöf er varðar innkaup fyrir fyrirtæki. „Við leggjum mikið upp úr því að viðskiptavinir geti nálgast okkur á þann hátt sem hentar þeim best; hvort sem er í gegnum sölumenn, verslun, síma eða vef,“ segir Bylgja Bára en fyrirtækjapjónustan er opin alla virka daga frá 8-17, en vefverslunin www.a4.is er ávallt opin.



Hluti af þeim glæsilegu konum sem starfa hjá A4 þar sem boðið er upp á heimspækt vörumerki í háum gæðaflokki. MYND/EYÞÓR

Nýr valkostur á húsgagnamarkaði

Glæsileg húsgögn bættust nýverið við fjölbreytta flórana í vöruúrvali A4. „Við bjóðum húsgögn fyrir bæði fyrirtæki og stofnanir og erum með því að svara eftirspurn viðskiptavina. Við höfum það að leiðarljósi að skapa skemmtilegt og hvetjandi vinnuumhverfi og slagorð okkar er „Náðu árangri með ánægju“, sem þú gerir svo sannarlega með húsgögnunum frá okkur. Ábyrgðartími húsgagna er 5-10 ár. Við skilum húsgögnum af okkur samsettum og tilbúnum til notkunar.“

Bylgja Bára segir lykilinn að velgengi fyrirtækja vera mannauðinn og gott starfsumhverfi. „Það skiptir gríðarlega miklu máli að það fari vel um starfsfólk í vinnunni. Rafdrifin borð sem hægt er að standa við og sitja, stóll sem fer vel með þig þegar þú situr og góðar hirslur sem halda skipulagi á hlutunum skipta máli,“ lýsir hún og bendir á að vinnustaðir séu margbreytilegir og til dæmis þurfi að taka tillit til opinna og breytilegra vinnurýma



og kalli það á nýjar lausnir til að mæta þörfum hvers og eins starfsmanns. „Má þar nefna sófa með háu baki, skilrúm og hafa í huga efni með hljóðdempunareiginleika.“

A4 er í góðu samstarfi við EFG (European Furniture Group) sem er sænskur húsgagnaframleiðandi og fleiri framleiðendur sem Bylgja segir að spennandi verði að kynna á íslenskum markaði. „Í mörg ár hefur A4 starfað með danska

fyrirtækinu NSF og boðið til sölu skólatöflur, sýningartjöld og fleiri vörur tengdar skólastofnunni og fundarherberginu. Til að þjónusta enn betur og svara eftirspurn skólastofnanna hefur A4 bætt við nemendahúsgögnum í vöruval sitt. Þessi húsgögn hafa verið í notkun um áraloðir á Norðurlöndunum við góðan orðstír. Nú þegar hafa nokkrir skólar nýtt sér þennan valkost og lýst yfir ánægju.“

Þann 31. ágúst mun Panduro Hobby opna nýja og glæsilega verslun í nýju göngugötunni í austurenda Smáralindar. Panduro Hobby er draumaverslun föndrarans og þar má finna allt sem þarf til föndurgerðar.

Ný verslun með föndurvörur

A4 rekur fjórar verslanir á höfuðborgarsvæðinu auk verslana á Akureyri, Egilsstöðum og Selfossi. Þann 31. ágúst næstkomandi mun svo ný og glæsileg Panduro Hobby verslun verða opnuð í nýju göngugötunni í austurenda Smáralindar.

Panduro Hobby er leiðandi fyrirtæki á sviði föndurs og hannyrða í Evrópu og rekur í dag 114 verslanir í sex löndum. Verslunin er opnuð í samstarfi við A4, sem er umboðsáðili Panduro Hobby á Íslandi.

Panduro Hobby er draumaverslun föndrarans og þar má finna allt sem þarf til föndurgerðar.

„Metnaður Panduro Hobby liggur í gleðinni við að skapa og búa til eitthvað skemmtilegt með höndunum. Í Panduro Hobby finnur þú m.a. efni fyrir kortagerð, efni fyrir skartgripagerð, pappírsföndur, málningu, liti, garn og föndur fyrir börnin svo eitthvað sé nefnt. Allir ættu því að finna eitthvað við sitt hæfi,“ segir Bylgja Bára.



Kvennahreyfingin er baráttutæki

Kvennahreyfing Öryrkjabandalags Íslands var stofnuð þann 8. mars 2005 og var Guðríður Ólafsdóttir frumkvöðull að stofnun hennar.

Kvennahreyfingin er opin öllum konum innan bandalagsins. „Hreyfingin er umræðuvettvangur og baráttutæki fatlaðra og langveikra kvenna með það markmið að skapa eitt samfélag fyrir alla, þar sem jafnrétti ræður á öllum sviðum, samfélag þar sem fatlaðar og langveikar konur hafa tækifæri til þess að þroskast og nýta hæfileika sína,“ segir Þorbera Fjólnisdóttir, starfsmaður hópsins, en hún hefur verið hluti af stýrihópnum frá stofnun Kvennahreyfingarinnar.

„Staðreyndin er sú að karlar og konur hafa ekki sömu stöðu í samfélaginu, þó okkur finnst að þannig eigi það auðvitað að vera. Hinn sameiginlegi reynsluheimur tengir fólk af sama kyni því ákveðnum böndum. Starf Kvennahreyfingar ÖBÍ grundvallast á samkennd, þessari sameiginlegu reynslu sem við deilum sem fatlaðar og langveikar konur og á þann hátt erum við systur – kynsystur. Kvennahreyfingin er þannig jarðvegurinn sem við getum styrkt og blómstrað í,“ segir Þorbera.

„Jafnrétti kynjanna er nokkuð vel tryggt samkvæmt lögum en jafn-



Sóley Björk Axelsdóttir fremst, fyrir aftan er Þorbera, þá Soffía Melsteð, Alma Ýr Ingólfsdóttir, lögfræðingur hjá ÖBÍ, og Guðbjörg Kristín Eiríksdóttir.

rétti er þó ekki enn náð í reynd úti í samfélaginu og nægir þar að nefna launamun kynjanna. Lagaleg staða fatlaðs fólks hefur á sama hátt verið bætt mikið frá því sem áður var en við erum samt í stöðugri baráttu fyrir hagsmunum okkar.

Í Kvennahreyfingu ÖBÍ er því vettvangur fyrir konur innan sam-

takanna til að vekja athygli á stöðu fatlaðra og langveikra kvenna gagnvart hinum ýmsu málaflokkum.

Hreyfingin hefur einnig árlega tekið þátt í dagskrá í Ráðhúsi Reykjavíkur á alþjóðlegum baráttudegi kvenna, 8. mars. Einnig höfnum við tekið þátt í árlegu „16 daga átaki gegn kynbundnu ofbeldi“.



Þorbera Fjólnisdóttir, starfsmaður Kvennahreyfingarinnar. MYND/ERNIR

Kvennahreyfing ÖBÍ hefur stutt námskeið fyrir fatlaðar konur á vegum Tabú, fémínískrar fötlunarhreyfingar. Fatlaðar konur úr Kvennahreyfingunni og Tabú fóru í kröfugöngu til að vekja athygli á niðurstöðum rannsókna sem liggja fyrir um háa tíðni ofbeldis gagnvart fötluðum konum og brotalamir

réttarkerfisins þegar kemur að ofbeldi gagnvart fötluðum konum. Innanríkisráðherra, velferðaráðherra og Alþingi voru færð kröfuskjöl. Kvennahreyfingin tók einnig þátt í Druslugöngunni árið 2014 ásamt Tabú en það var í fyrsta sinn sem fatlaðar konur tóku þátt í göngunni sem hópur.

Kvennahreyfingin átti fulltrúa í bakhópi rannsókna á ofbeldi gagnvart fötluðum konum sem gerð var á vegum Rannsóknarseturs í fötlunarfræðum við HÍ í samvinnu við rannsóknarstofnanir og háskóla erlendis og var styrkt af Daphne III ætíð Evrópusambandsins.

Tók fulltrúi Kvennahreyfingarinnar þátt í að skrifa greinar til að vekja athygli á niðurstöðum rannsóknarinnar sem sýndu að ofbeldi gegn fötluðum konum er algengt. Ofbeldið er nátengt félagslegri stöðu og valdleysi í eigin lifi, er margs konar, andlegt, líkamlegt, kynferðislegt og fjárhagslegt, og er oft þaggað niður,“ segir Þorbera.

Kvennahreyfing ÖBÍ heldur úti virkri Facebook-síðu þar sem vakin er athygli á ýmsu því er snertir líf fatlaðra og langveikra kvenna.

STÖÐVUM ÞVINGAÐAR ÓFRJÓSEMISAÐGERÐIR

Við skorum á íslensk stjórnvöld að tryggja að engar þvingaðar ófrjósemisaðgerðir verði framkvæmdar á fötluðum konum hér á landi.

Samkvæmt íslenskum lögum er ófrjósemisaðgerð heimil á fólki allt að 25 ára gömlu ef „sjúkdómur, líkamlegur eða geðrænn, dregur alvarlega úr getu hans/hennar til að annast og ala upp börn“. Nýleg rannsókn sýnir að slíkar aðgerðir hafa verið gerðar á konum með þroskahömlur hér á landi án þess að þeim sé ljóst að aðgerðin sé varanleg.

Þetta stangast á við grundvallaratriði samnings Sameinuðu þjóðanna um réttindi fatlaðs fólks hvað varðar rétt til fjölskyldulífs. Í 23. grein segir að aðildarríki skuli tryggja að fatlað fólk, þar með talið börn, fái haldið frjósemi sinni til jafns við aðra.

Öryrkjabandalag Íslands fordæmir þvingaðar ófrjósemisaðgerðir og krefst þess að þeim verði hætt. Það er eitt helsta baráttumál European Disability Forum, sem ÖBÍ er aðili að. Virðum sjálfsákvörðunarrétt fatlaðs fólks.



Gangan hefst í Lystigarðinum klukkan 17.00. NORDICPHOTOS/GETTY

Kvennasöguganga á Akureyri

Í tilefni kvenréttindadagsins í dag, 19. júní, býður Jafnréttisstofa til kvennasögugöngu á Akureyri í samstarfi við Héraðsskjalasafnið, Minjasafnið, Akureyrarbæ og Zontaklúbbana á Akureyri.

Yfirskrift göngunnar er: Gengið í fótspor kvenna á Brekkunni.

Kristín Aðalsteinsdóttir, fyrrverandi prófessor, leiðir gönguna og fræðir fólk um þær konur sem sett hafa svip sinn á Brekkuna.

Gangan hefst í Lystigarðinum klukkan 17 og henni lýkur á sama stað klukkan 18.30. Lagt verður af stað frá flötinni við Café Laut en allir eru velkomnir.

malis.is

WOODEX

TEKNOS WOODEX Classic

TEKNOS WOODEX Wood Oil

Þekjandi og hálfþekjandi viðarvörn þekkt gæðavara

MÁLNINGARVERSLUN ÍSLANDS

- vörn til frambúðar

Vatnagarðar 16 - 104 Reykjavík - Sími 415 0060 - malis@malis.is

Styrkja konur til menntunar

Birgitta Ásgrímsdóttir stendur fyrir viðburðinum Hjólum bæinn rauðan á fimmtudagskvöld til styrktar Menntunarsjóði Mæðrastyrksnefndar.

Hugmyndin er að safna saman hópi kvenna, klæddum í eitthvað rautt og hjóla saman um miðbæinn á fallegu sumarkvöldi, sýna sig og sjá aðra og í leiðinni styrkja konur til menntunar,“ útskýrir Birgitta Ásgrímsdóttir en hún blæs til viðburðarins Hjólum bæinn rauðan til styrktar Menntunarsjóði Mæðrastyrksnefndar.

Hjólátúrin fer fram fimmtudaginn 22. júní og mæta þátttakendur á eigin hjólum fyrir framan Hörpu klukkan 20. Kaupa þarf miða á viðburðinn á midi.is og rennur ágóði miðasölu allur til sjóðsins. Við Hörpu fá þátttakendur afhent númer en dregið verður um veglega vinninga úr potti síðar um kvöldið.

„Þegar keyptur er miði eru í boði þrjú verð, 1.500 krónur, 2.000 og 2.500. Hærra verði fylgja fleiri miðar í happdrættispottinn,“ útskýrir Birgitta og segir fulla þörf á að styðja við sjóðinn.

„Mæðrastyrksnefnd heldur utan um Menntunarsjóðinn en hann er þó rekinn á sér kennitölu. Starfskonur Mæðrastyrksnefndar eru í stöðugri leit að fjármagni í sjóðinn og auðvitað er sjálfsagt að styrkja sjóðinn beint. Á hverju ári styrkir sjóðurinn efnalitlar konur til menntunar. Þær sem sækja um í þennan sjóð eru sumar í þeim sporum að vera að koma sér aftur út í lífið og aðrar búa við veikt bakland. Það geta verið alls konar ástæður fyrir því að þær hafa ekki möguleika á að koma sér af stað

í nám, nema með hjálp. Þá getur þetta verið sú hjálp sem þarf,“ segir Birgitta. Hún leggur áherslu á að viðburðurinn sé ekki keppni. Tilgangurinn sé einnig að hafa gaman.

„Það verður engin keppni eða hraði og læti. Hópurinn leggur af stað frá Hörpu í þægilegan reiðhjólátúr um miðbæinn. Það verður eitt hressingarstopp á leiðinni þar sem Vífilfell ætlar að bjóða upp á léttu hressingu. Svo verður haldið áfram og endar túrin niðri á Kaffi Slipp. Þar verður boðið upp á veitingar á „happy hour“ verði. Edda Björgvins leikkona mætir til þess að draga vinningshafa úr pottinum og eru vinningarnir hinir glæsilegustu, svo sem út að borða, heill dagur í spa, snyrtivörupakkar og ýmislegt fleira. Ég hvet allar konur til að mæta og um að gera fyrir vinkvennahópa, sauma- og frænkuklúbba að mæta, styrkja tengslin og gera eitthvað skemmtilegt saman. Svo verður hægt að færa sig yfir á Kaffi Marina seinna um kvöldið, þær sem vilja.“

Hugmyndina fékk Birgitta í MBA-námi sínu og segir verkefnið tengjast því að gefa eitthvað áfram út í samfélagið. „Þar sem ég rek reiðhjólaverslunina Berlín ásamt manningunum mínum fannst mér tilvalið að sameina þetta tvennt og búa til þennan viðburð,“ segir Birgitta.

Nánar má kynna sér viðburðinn á Facebook, Hjólum bæinn rauðan.



Birgitta Ásgrímsdóttir eigandi verslunarinnar Berlínar stendur fyrir hjólavíðburði til styrktar Menntunarsjóði Mæðrastyrksnefndar.

MYND/EYÞÓR

Jafnlaunavottun: bjartari framtíð á vinnumarkaði

Vöxtur ráðgjöf er framsækið fyrirtæki sem hóf starfsemi sína á vormánuðum 2014. Þar starfa sérfræðingar sem búa yfir áratuga reynslu af mannauðsstjórnun bæði hjá hinu opinbera og á einkamarkaði. Jafnlaunavottun verður eitt af meginverkefnum fyrirtækja og stofnana á næstunni.

Við leggjum áherslu á að þjónusta okkar og ráðgjöf sé viðskiptavinum okkar virðisaukandi,“ segir Ágústa H. Gústafsdóttir framkvæmdastjóri. „Við höfum náð samstarf um þróun lausna með langtímasjónarmið að leiðarljósi. Við greinum tækifæri til framfara og eru verkefni okkar vel skilgreind með tilliti til markmiða og væntinga viðskiptavina.“

Vöxtur ráðgjöf sérhæfir sig í þjónustu á sviði stjórnunar og mannauðslausna fyrir stofnanir ríkisins og fyrirtæki á almennum markaði. „Stefnumiðuð mannauðsstjórnun er sífellt að verða betur tengd meginstefnu fyrirtækja og stofnana og er grunnforseta árangurs þeirra. Stjórnendur nýta sér markvisst aðferðir mannauðsstjórnunar í þeim tilgangi að öðlast skýrari sýn á lykilarangursþætti í starfsemi,“ segir Ágústa.

Spurð um áherslu í mannauðsmálum á komandi misserum segir Ágústa að jafnlaunavottun verði eitt af meginverkefnum fyrirtækja



og stofnana: „Í kjölfar nýrra laga sem skylda fyrirtæki og stofnanir til jafnlaunavottunar erum við þegar farin að finna fyrir mikilli aukningu í þjónustu okkar á þessu

sviði. Við leiðum viðskiptavinum í gegnum ferlið, sem á tíðum getur verið flókið, og tryggjum farsæla innleiðingu jafnlaunastadalsins.“ Sérfræðingar Vaxtar búa yfir sér-

þekkingu á sviði jafnlaunavottunar og tók Ágústa meðal annars þátt í mótun stadalsins. „Stjórnendur leita til okkar til þess að mæta með skilvirkari hætti því umfangi

„Við leiðum viðskiptavinum í gegnum ferlið, sem á tíðum getur verið flókið, og tryggjum farsæla innleiðingu jafnlaunastadalsins,“ segir Ágústa H. Gústafsdóttir, framkvæmdastjóri Vaxtar.

MYND/EYÞÓR

„Í kjölfar nýrra laga sem skylda fyrirtæki og stofnanir til jafnlaunavottunar erum við þegar farin að finna fyrir mikilli aukningu í þjónustu okkar á þessu sviði.“ Ágústa H. Gústafsdóttir

sem felst í innleiðingu jafnlaunastadalsins.“ Ágústa segir auknar kröfur gerðar um sérsniðnar lausnir sem taka mið af umhverfi og stöðu hvers fyrirtækis og stofnunar fyrir sig. „Í dag eru stjórnendur almennt meðvitaðir um þann árangur sem hlýst af virkri mannauðsstjórnun og samhlíða því hafa kröfur þeirra um virðisaukandi þjónustu aukist. Við hjá Vexti ráðgjöf lítum svo á að mannauður viðskiptavina okkar sé hjartað í starfsemi og við vinnum á faglegum grunni að því að efla þann auð. Fjárfesting í sérþekkingu okkar skilar viðskiptavinum aukinni arðsemi og árangri.“

20-50% afsláttur

af völdum vörum!

Stærðir
36-56

TILBOÐSDAGAR!

Fullt af frábærum sumarvörum á flottu tilboðsverði á tilboðsdögum dagana 19-28.júní. 30-40% afsláttur af úlpum, sumarjökkum og skóm

ZIKZAK

TÍSKUHÚS



SKÓR
ÁÐUR 4.990
NÚ 2.990
st.36-41



SKÓR
ÁÐUR 4.990
NÚ 2.990
st.36-41



SKÓR
ÁÐUR 4.990
NÚ 2.990
st.36-41



PEYSA
ÁÐUR 6.990
NÚ 3.990
st.S-XXXL



SKOKKUR
ÁÐUR 3.990
NÚ 2.990
st.S-XXXL



KJÓLL
ÁÐUR 5.990
NÚ 2.990
st.S-XXXL



KJÓLL
ÁÐUR 6.990
NÚ 2.990
st.S-XXXL



JAKKI
ÁÐUR 16.990
NÚ 11.890
st.36-56



TÚNIKA
ÁÐUR 7.990
NÚ 990
st.46-56



BOLUR
ÁÐUR 3.990
NÚ 990
ein stærð



BOLUR
ÁÐUR 1.990
NÚ 1.490
st.S-XXXL



ÚLPA
ÁÐUR 12.990
NÚ 8.990
st.36-56



ÚLPA
ÁÐUR 12.990
NÚ 8.990
st.36-56